



耳溪集二

詩

共二十二

~ 16  
2330  
2



和  
號 2330  
卷 21-2

耳溪集卷四目

詩

海西錄

發西巡向康翎

白水營過長山串

金沙寺望洋

濯熱亭次板上韻

七夕病起

雨中發海州向延安

白川途中



承命致祭于至德祠

君子亭同諸侔賞蓮

芙蓉堂中秋賞月

既望同通判及家兒遊許氏挹清亭 二一首

下旬日與舍弟家兒遊結城浦

發東巡向黃州

月波樓觀劔舞用板上韻

過洞仙嶺入鳳山

夜抵遂安

象山館

發谷山宿檢勿院頗有溪山之趣

入新溪

踰礪峴 二一首

午憩歧灘

少憩金郊清籟亭贈主人

踰大小梨峙

午炊古池村趙氏庄

溫泉贈別金郊丞

溫泉館夜枕聞雨

向碧城

發溫泉

曉行

結浦觀潮

九月初吉以 陵園行幸出次芙蓉堂

發西巡

途中晚晴

石潭書院

曉發石潭冒雨向松禾

少晴

向文化

望九月山

岳州感古

發信川歷訪白雲洞李正言 仁默

夜入九曲潭

落葉

聽溪堂

太極亭

聞家弟榜聲志喜

發東巡宿電開村逢麟山丞韓 德厚

見饑民周急勸農

自龍泉向峽

峽中卽事

借牛勸耕

朝發遂安向谷州

望象山

春寒

峽俗

宿新溪向兔山

書寄舍弟

兔山金川兩境有小江名古棧頗有幽趣

宿月城館

三聖臺

洪太師墓

省麥

午憩金川曲洞向平山

到平州

尙忠祠

道雨

卽事

午炊江陰向白川

路中得舍弟書聞以明日如期會延安

新晴

南池疏濬後設宴君子亭舍弟自京來會二首

舍弟榮到日會十守令新榜七生進設酌志喜

與注書及判官金郵登南山觀劍舞

發西巡向載鳳大野

宿正方山城伽藍

過鳳陽古郡

渡三枝河

宿載寧

春望

午炊信川終日野行

自嘉禾向長淵

長潭館

喜雨

過長淵憶申舜民景濬簡寄北青任所三首

巡海觀形便

阿郎浦

金沙寺海月樓觀劍舞

宿明鏡菴

登金沙峰觀海

夢金島

長山串

大小青島

望登萊

宿浦頭村舍

宿海州西倉

倉庭有雙栲樹可庇十畝

朝發向甕津

洗劍樓

挽河亭

宿甕津城

遍巡沿海漫題

兒子從行學詩書示一律

孟夏汎結浦抵兄弟巖望睡鴨島 三首

首陽山城

毗盧瀑用前韻

雨後遊屏巖

濯熱亭用前韻

迎候陳奏使赴金川



奉送金右相尚書赴燕

送副价尹叅判東暹

金陵館餞使行又賦

芙蓉堂雜詠十首

月夜偶題

早秋新晴登濯熱亭復次壁上韻

發東巡登首陽城東將臺用前韻

鳳山台城大野

中秋日試文武士于黃州登月波樓設酌呼中

平海之間災荒尤甚衆民擁馬呼訴

午炊海州古村

還營登荷堂

發西巡向信川

雨中發花山

旬日入九月山

檀君故都

登上臺

沿海荐饑

皇華樓

望德亭觀海

朝天館觀劍舞留贈主人鄭令 述祚

長淵新設水軍營將巡到試射行賞

冒雨向蘇江途吟

蘇江

夜宿宣威堂聞風雨聲

乘月登洗劍樓

與水伯李令 性默 麟丞泛舟挽河亭下

君子樓夜邀麟丞賞月聽琴

歸路贈別麟山丞

既望夜泛月荷池

重謁潭院設食堂講大學擊蒙要訣

投印潭

神光寺 二首

以回還陳奏使迎候發向黃州

月夜同牧使李久之 永培 海判登竹樓

夜泛南江倣夜操之制設火嬉

泛月南江復用樓字

劍水館奉別上价還朝

自劍水落後還營復宿養馬洞

罷官後與通判及三察訪復登濯熱亭

離營東還 二首

別芙蓉堂

宿青丹驛出海州境

到金川交龜發向松都

向高陽

解官閒居

南遷錄

以承旨隨駕 毓祥宮繳還備忘記謫清州

自木川向清州

到西原 二首

僑居李氏倦還亭

廿七朝聞恩赦

留題鵬舍

耳溪集卷四

詩

海西錄

庚寅春除黃海道觀察使

發西巡向康翎

方面由來職事雄行春倍覺 主恩隆湖山千里花  
如錦鼓角三聲馬嘯風攬轡且宜清弊政褰帷時復  
課農功海隅亦被菁莪化家塾多逢小學童

自水營過長山串

旌旆悠悠向海中長山一帶勢穹窿汀花競發隨車  
雨鯨浪初低攬轡風眼力直須窮若木角聲翻欲撼



耳溪集 卷四 幽宮客船近日多漁採莫倚昇平情詰戎

金沙寺望洋

青是長空碧是溟中懸白日下亭亭媧斤未補西南  
缺鰲背遙橫大小青始信天形如倚蓋還嗟人世若  
浮萍明沙十里棠花發風送漁歌鷺滿汀

濯熱亭次板上韻

刺史初行野逶迤小隊閒出城無咫尺臨海有溪山  
畫戟幽花外清詩翠壁間夕陽人影散棲鳥與俱還

七夕病起

牛女相逢日湖山獨臥身病餘扶杖起秋色入簾新

井葉應飄恨池花已損神登樓看月好挾瑟有佳人

雨中發海州向延安

火星西北流驅馬向鹽州海氣無殘暑山光欲早秋  
觀風知政拙省野減民憂却有隨車雨如教使節留

白川途中

漠漠銀川野清秋不見垠衆山低入海斜日遠隨人  
笏外雲生樹車前雨洗塵從行六太守冠蓋何翩纘  
承命致祭于至德祠謹構一律以寓曠感兼識

盛事

至德祠讓寧大君祠宇  
祀孫趾光方爲白川守

運啓東方 聖時維泰伯賢因心推盛德微義合清

玉溪集 卷四  
權香火連三郡恩光降九天藩臣來奉爵稀曠事堪傳

君子亭同諸倅賞蓮

紅亭縹緲水中央十里平湖潑灩光望裏心魂渾似  
醉坐來毛髮欲生香凌波更惜霑羅襪照日偏憐倚  
淡粧恨不同携蘇與白餘杭何獨有錢塘

芙蓉堂中秋賞月

玉宇淒清白露秋疎簾月色近人流樓如碧蜃波中  
湧身似靈龜葉上遊超忽便應同羽化虛明聊復與  
神謀可憐數朶殘荷在猶送香風水面浮

既望同通判及家兒遊許氏挹清亭 二首

碧城悄悄聞秋聲城外亭傳許氏名卽命筍輿非卜  
日相隨阜蓋偶同行臨溪石戴危欄出遙浦風含古  
木清永夕笙歌稍愜意前峰未覺月輪生

一壑林亭古西州獨擅名溪山無定主旂纛有閒行  
月色隨潮滿龍吟應笛清高歌扶醉返官樹暝烟生  
下旬日與舍弟家兒遊結城浦海判延安白川  
瑞典四倅及中軍察訪俱從建旗纛乘樓船夾  
船近百艘鼓吹以從直抵牛島觀劔舞乘夕潮  
而下舉火而歸誠湖海之壯遊也

王溪集 卷四  
畫角樓船下晚洲碧城迢遞已清秋潮頭蕩漾魚龍  
舞帆外高低島嶼浮北望雲山心共遠西來形勝眼  
全收沿洄盡日還餘恨未借長風大海流

發東巡向黃州

刺史東行縣秋風駟騎豪海雲隨玉節霜日照金刀  
野濶羣山小天清一鴈高來宣民事急原隰敢言勞  
月波樓觀劔舞用板上韻

黃岡何爽塏玉節且遲留劔氣秋光冷歌聲江水流  
樽前兩元帥關外一高樓舉目雲山遠翻生北望愁  
過洞仙嶺入鳳山

層城橫大路關阨壯西邊壁立山藏甲雲深洞有仙  
都無林外地時見葉間天隔岸遙聞角旂旄滿眼前

夜抵遂安

荒荒日欲暝立馬山之阿峽氣晴猶濕溪聲夜更多  
流螢隨畫燭行吹雜樵歌官舍應非遠雙旌出薜蘿

象山館

環山皆窈窕仙吏不虛名萬木雲烟裏千家砧杵聲  
琴書應靜暇更鼓自分明空館徂清夜留詩寄故情  
發谷山宿檢勿院頗有溪山之趣

秋氣清如此豪情不可刪白雲何處寺紅葉幾重山

轉覺風光好，渾忘道路艱。偶逢佳水石，立馬聽潺湲。

入新溪

新溪亦巖邑，川谷轉逶迤。地僻松杉壽，田荒鴈鶩癡。  
峽人元少訟，山路最多詩。物色雖供眼，民憂每上眉。

踰礪峴 二首

已度千峰險，猶穿一水灣。洞深惟見日，天豁忽無山。  
色相紛多變，心靈本自閒。根塵除未得，終是落人寰。  
漠漠雲山迥，悠悠川路脩。豪鷹隨殺氣，連鴈喜清秋。  
物性元相忘，天機可自由。觀風吾獨倦，觸目是民愁。

午憩歧灘

峽轉猶通瀨，沙平忽聞聲。江流紅葉下，橋斷小舟橫。  
魚稻生涯足，巖巒氣色清。停車初把酒，深樹一鷄鳴。

少憩金郊清籟亭贈主人

迴車紅樹裏，留客夕陽時。倚檻生虛籟，移樽近小池。  
馬肥秋放野，丞傲日哦詩。偶到仍成趣，行旌出洞遲。

踰大小梨峙

今日猶行邁，棲棲意未閒。峰危頻舍馬，天迥好開顏。  
夷險元隨境，支離不出山。能詩還有伴，百里遠追攀。

午炊古池村趙氏庄

巡宣皆峽郡，流憩亦園庄。山林寒無粒，霜梨膩有香。



真溪集 卷四  
縱堪澆病肺那足潤飢腸立馬題民牒寒帷暮色蒼

溫泉贈別金郊丞

秋風滿水國之子遠相隨  
秋色寒逾淨山容瘦更奇  
黃花同把酒紅葉好題詩  
旅館愁分袂歸雲度嶺遲

溫泉館夜枕聞雨

日落荒村裏燈明獨臥時  
林蟲如訴恨簷雨更催詩  
霜露秋生感雲天夜有思  
百憂悄無寐山漏問何其

向碧城

于役今千里天寒草木凋  
行雲隨笏遠歸意逐旌搖  
穡事霜無奈民憂酒不消  
清詩空滿袖興寄碧城遙

發溫泉

三鼓吾將發千麾靜不騷  
金飈生曉角秋色入霜毛  
病已靈泉濯詩并碧岫  
高王風清一路飛鳥與雲翱

曉行

霜氣曉淒淒青山咫尺迷  
不知村遠近相送一聲鷄

結浦觀潮

碧城初罷霧結浦又生濤  
海氣層雲積潮聲衆竅號  
蛟龍應自大島嶼不能高  
攬轡凝遐想飄如御六鰲

九月初吉以 陵園行幸出次芙蓉堂

碧城秋夜長清籟在池塘  
把燭當虛檻徵歌出洞房

星沉樓暗照荷盡水猶香不必嫌無月空明自有光

發西巡

東巡今幾日旌節又徂西左夾滄溟濶回看碧岫低  
清霜初滌野涼雨忽生霓官路平如砥征驂不怯泥

途中晚晴

秋山晴更好餘靄澹清霄惟鳥啼相送寒花影自搖  
馬嘶紅樹巷僧渡夕陽橋滿目皆堪畫其如畫未描

石潭書院

河嶽曾生傑亭臺儼若神聖門全體學王室匪躬臣  
九曲天鍾美諸賢德有隣潭心留片月長照詠歸人

曉發石潭冒雨向松禾

秋雨苦無已我行殊未央海雲多譎詭風葉太蒼黃  
征役悲年邁官廚愧歲荒直緣王事急啓處亦靡遑

少晴

平原時騁目危磴更凋顏落葉無全樹斜陽只半山  
陰晴俄變幻行止劇間關叱馭懷前躅方知不可攀

向文化

錦嶂初收雨蘋洲更起風鴈聲遙度海鵬翮直摩空  
氣候朝晡異天機物我同孤吟還自罷寥濶意無窮

望九月山

磅礴流元氣西蟠九月山中天高一柱平地列千鬟  
蒸潤功應博端巖意自閒秋風還駐節瞻望未躋攀

岳州感古

吾祖分符地今孫仗節來陽春千室化山浦百年哀  
片石新華屋寒花舊釣臺欲招遺老盡孤月與徘徊

發信川歷訪白雲洞李正言

仁默

何處白雲里孤烟一兩家黃花迎去轍幽鳥應清笳  
礪戶初傾蓋山廚乍點茶迴車還渡水林外夕陽斜

夜入九曲潭

萬炬明山徑行尋九曲屏入林疑返照鋪地忽繁星

楓壁紅相映琴灘細可聽迷途今不昧翻覺道心醒

落葉

惟底千林綠秋來每自催着霜渾似醉鳴雨却成哀  
箇箇隨風轉輕輕擲水迴縱知乘化理應愧後凋材

聽溪堂

澗聲清繞砌松色碧盈簷一曲如環缺雙峰聳筆尖  
笙鏞當日志山斗百年瞻坐處靈靈過還疑化雨霑

太極亭

浩浩窺無外玄玄鑽更微環中元不動磨上互相依  
一氣盈虛谷羣生出入機圖書言未了千載與誰歸

聞家弟榜聲志喜

曉鵲噪何處朝眠戶未開忽聞人語鬧爭道榜聲來  
慈母衰顏解阿兄展齒摧念渠生長日悲喜更難裁

發東巡宿電開村逢麟山丞韓德厚

有村名電開中夜雨兼雷破塊方知節隨車愧匪才  
春從枝上遍詩自枕邊催邂逅逢騷客燈前共把杯  
見饑民周急勸農

方岳元承化旬宣亦順時昆虫皆自動鰥寡得無飢  
頻奉勸農詔多慚膏雨詩博施從古病鄭產亦吾師  
自龍泉向峽

入峽春猶早溪山未見奇節過寒食久花較去年遲  
地氣禽先得春容柳始為村謠時助興題墨或成詩

峽中即事

小輿雲外出天地此身高古壁流蜂液陰龕養石膏  
村獠逢虎狎山鼠見人逃供眼多奇事崎嶇未覺勞  
借牛勸耕

寸地皆王土仁風動八紘編牛從夏制散米及春耕  
喜氣天新雨韶光木向榮周諮仍省野歌頌共蒼生  
朝發遂安向谷州

山暗日冥冥松杉繞馬青谷風時動鼓林雨不成鈴

厭聽庚呼急翻教卯酒醒前秋曾此路暑白擁長亭

望象山

最愛山中郡風謠亦可詫獵夫供雉羽峒戶買蜂窠  
衣食非難足飛潛各自和從茲民牒簡挂笏但高哦

春寒

二月寒猶壯東君造化奇柳眠驚雪冷鳥語惱花遲  
小酒還多力輕衫却見欺行春猶未半長路每褰帷

峽俗

峽中風土異生理亦辛勤民食爭青嶂牛耕破白雲  
績麻松作燭防虎石爲門偃息多黃髮安知有 聖

君

宿新溪向兔山

半醉丹溪酒行穿碧磴蘿寒知花意懶春在鳥聲多  
馬上聽牛訟山頭奏盃歌觀風聊可喜豪興奈吾何

書寄舍弟

稚弟龍門貴偏親鶴髮高疎才叨重寄餘慶及吾曹  
逸足期千里清音振九臯共嗟霑海渥何計報秋毫  
兔山金川兩境有小江名古棧頗有幽趣

峽束纔通路灘開遂放流一江分兩縣千室共孤舟  
地僻能馴鹿春深始見鷗海西凡幾郡山水獨清幽

宿月城館

兔山號靈窟官舍萬峰圍破渴植梨軟扶衰薯蕷肥  
已厭方丈饌那救匹夫饑夜作句天夢方知近上畿

三聖臺

一片高臺倚古楂孤烟隔樹兩三家風帆載去漢江  
米春水浮來伊峽花樓影靜時龍臥穩夕陽明處鷺  
飛斜仙蹤緬邈尋無處閒聽漁歌抵晚衙

洪太師墓

麗代衣冠葬巍然四尺封佳城號吹笛華裔食鳴鐘  
唐士來何歲箕邦有巨宗外孫今拜掃掛節墓前松

省麥

犁星當夜見昴宿次昏中麥喜勾芒雨花猜少女風  
民情依月糶天氣占年豐 聖化方春遠從知八域  
同

午憩金川曲洞向平山

驅車還出峽春色正嬋娟帶雨花如醉當風柳不眠  
孤烟生遠戍流水入平田始覺韶光好褰帷意豁然

到平州

東陽古重鎮西路一防營劔倚將軍壁  
旗翻太白城春風來戰地兵氣散江聲聖代方歸馬

山城東有立石名將軍巖

元戎且省耕

尚忠祠

在太白山城妥安  
高麗三太師鐵像

山上一孤祠麗家三太師  
沼吳曾鑄像誑楚乃銘彝  
事業風雲盡精神草木悲  
千年猶颯爽應復鎮西陲

道雨

春深寒未退風定雨還斜  
喚起千家耜催開萬樹花  
神功何造次荒野忽繁華  
物理兼民樂行行且駐車  
卽事

觀風非一事生業摠堪憐  
村女分蠶種山僧訟楮田  
大都皆食力聊爾各隨緣  
安得粟如土斯民不愛錢

午炊江陰向白川

江陰古小縣門外卽通船  
薪送長安桂魚求上峽錢  
行人歸暮雨棧路俯江天  
半日沿流去金川至白川  
路中得舍弟書聞以明日如期會延安

有誰傳片紙立馬雨中看  
吾弟戴丹桂今朝過碧瀾  
他鄉驚會合長路喜平安  
不是鹽州遠還愁度夜難

新晴

春陰何太久晴罷日濛濛  
衆水歸滄海浮雲散碧空  
鳥啼前夜雨花困夕陽  
風萬象雖多變同遊元氣中  
南池疏濬後設宴君子亭  
舍弟自京來會一首

聖主念西州新功想去秋子來萬鋪入鬼運三旬收  
水濶魚龍返堤長士女遊舉觴同五郡歌舞在高樓  
亦知來不遠那意此逢迎勝地連枝會青春戴桂榮  
汀花明印綬林鳥度簫聲紅勒樓邊繫恩光並弟兄  
舍弟榮到日會十守令新榜七生進設酌志喜  
經年湖海按藩時千里池塘好夢遲憐我寸心長北  
向喜君豪翮已南爲華筵錦繡聯萊服綠水芙蓉照  
桂枝春酒如澠恩似海日邊遙獻萬年卮

與注書及判官金郵登南山觀劍舞

萬舞山之岡羣峰勢欲翔劍搖滄海色花散滿城香

包絡樓譙壯風流江漢長笙歌扶醉返草木被恩光

發西巡向載鳳大野

驅車春色裏佳氣遠連天滄海晴無浪平原暖有烟  
吹來寒燒綠粧却醜巖妍好是巡宣路風光正藹然

宿正方山城伽藍

平地山如湧呀然石扇通鷄鳴千嶂裏僧立百花中  
天險藏兵食神光繞佛宮雄城還淨界瀟灑坐元戎

過鳳陽古郡

古郡西湖內山川秀且妍鷄鳴梨白巷牛臥地黃田  
靈跡思儀鳳鄉風愧慕羶回瞻文井廟

文井卽栗  
谷書院無



王洋集 卷四  
復武城絃

渡三枝河

青青隴上麥白白沙中鷗行邁  
春風遠薰蒸土氣浮  
數家臨古渡斜日有孤舟  
暗聽篙師語明朝向浪流  
宿載寧

安陵稱沃野魚稻利雙全  
厥土皆黃壤諸宮占上田  
長腰登御府巨口逐商船  
既富方能穀那由使斐然

春望

誰言春可盡吾恐盡難傳  
細草牛雙角晴臯鶴一拳  
花深山欲醉日暖野如眠  
前路知何處斜陽數抹烟

午炊信川終日野行

盡日巡原野觀農未覺勞  
自慚春有脚那得雨如膏  
南畝初耕秫前溪已放桃  
此行田峻似堪笑擁旗旄  
自嘉禾向長淵

嘉禾雖小縣膏壤帶長堤  
春色三分暮秋蕤數寸齊  
軟沙翻錦翼芳草散花蹄  
儉歲猶豐樂陽和獨海西  
長潭館

西行六七郡此地最開顏  
仙去阿郎浦春歸杜宇山  
花間開萬井海上立千鬟  
風草元從化山川本不頑  
喜雨

三農須及時一雨更如期山秣根方着水田耕可爲  
鳥言多瑣細花意太淋漓刺史今無事登樓好賦詩

過長淵憶申舜民

景濬

簡寄北青任所

三首

問訊申承旨何時到北青靈禽棲棘樹荒塞照文星  
天祿曾抽筆燕山可勒銘碧城多鼓吹那得故人聽  
近歲長潭宰良能獨數君疲氓皆飽煖餘化尙氤氳  
西戍多時論東漁驗昔聞籌邊有奇策恨未借終軍  
別後春重到清樽對典刑花鬚如我白柳眼向人青  
片月應同照歸雲故自停尺書無鴈寄兩地各滄溟

巡海觀形便

郡西何所有滄海碧層層盛夏馳冰鯁高秋獻白鷹  
弄潮浦女學乘障健兒能有詔觀形便天教我再登

阿郎浦

世傳新羅四郎遊賞處

東瀛三日浦西海四郎臺仙去雲猶在春還潮自來  
岸花依舊發漁笛至今哀渺渺思公子蘭蕕薦一杯

金沙寺海月樓觀劍舞

春宵張畫燭歌舞出禪房海靜龍沉影星垂佛放光  
松間留劍氣花下散杯香此會真奇絕他時定不忘

宿明鏡菴

中夜逢瞿曇懸燈與共談山僧噉豆菜唐舶偷沙蔘

豆菜生於白沙中狀如大豆黃味淡  
可食沙蔘卽海防風亦產於金沙  
土產由來異邊  
情到此探登萊纔一葦防禦付伽藍

登金沙峰觀海

醉倚金沙巔西溟把盞前日兼雲共盪天與海俱圓  
若木知何樹青齊或見烟心曾元自在毛骨却翛然

夢金島

金島何清絕飄颻不可攀素沙橫一帶碧水繞雙鬟  
下界還銀海東方亦雪山神仙無則已來必此中間

長山串

長山天下險橫海碧嶙峋賽鬼占風色招魂哭水濱

浦魚時化鹿木客暗欺人安得龍門斧中開利涉津

大小青島

青青水中島鏡面橫雙眉常恐脚根弱終無拳石移  
霧時皺容乍晴處淡粧爲隔海空相望迢迢有所思

望登萊

我國西環水華人謂大瀛魯連夸一死秦帝羨長生  
三山非別界千古冒虛名悵望東封處白雲縱復橫

宿浦頭村舍

浦村太寂寥悄坐意無聊蟻避明朝雨魚歸半夜潮  
野蔬偏助味農話却成謠靜聽庖人語隣家莫放猫

宿海州西倉

聶政應同里侯嬴亦有村

村名馭車里傍有交并里故云

地名偶相

似風氣畧如存好鬪輕軀命挽強教子孫使知親長

上真可捍藩垣

倉庭有雙柗樹可庇十畝

黃榆之大者東人謂之柗

偃蹇如相守庭前雙老柗美材逃匠石植物有彭聃

日漏清陰借風來灑氣含托根爰得所終免斧斤貪

朝發向甕津

逆馬淹倉舍回車向甕遷梨花含夜雨柳絮散朝烟

海上多新句春光勝去年微風送征盖官路草芊芊

洗劍樓

衆山西入海包絡壯關防城壓魚龍氣樓涵日月光

齊烟連戍火蠻舶雜漁檣酒半談邊畧元戎鬢髮蒼

挽河亭

忽疑波底出翻看石尖懸倚檻都無地開簾但見天

沙明洲似月潮斂水如烟縱乏淮陰術兵間却有仙

宿甕津城

壁立山圍野高城鐵甕如分防春入戍傳警夜飛書

樓角聲搖海臺烽影射魚平時常對敵戎備莫疎虛

遍巡沿海漫題

周遊皆澤國物產異東西春菜青絲角鮮羹紫絡蹄  
含醪海蔘醉噴浪水牛嘶風雅稱多識蟲魚入品題

兒子從行學詩書示一律

文運無今古東方富好詩龜峰能妙解牧隱是吾師  
近世多新調繁音未足奇欲尋風雅脉先向選騷爲

孟夏汎結浦抵兄弟巖望睡鴨島 三首

鼓角三聲畫鷁催澄湖百里錦帆開青山盡似波中  
出白鳥時從雲際來便覺冷風生兩腋還將勺水較  
深盃西湖始信同西子竟日留人不放回

天晴好泛鷁沙暖不驚濤解纜春風遠齊橈碧水高

波臣迎鼓角鷗陣對旌旄向晚櫂歌起篙工意自豪  
放舟凌巨浪橫笛立中流舞楚驪龍背樽開睡鴨頭  
重天應在下大界却同浮仰視蒼蒼處紅輪轉似毬

首陽山城

遠見千峰合中尋一線分層巖危欲擲孤雉聳如奔  
虎跡懸蒼蘚鷄聲在白雲俯臨皆蟻垤特立與誰羣

毗盧瀑用前韻

倒垂千丈水來處杳難分欲墮還高躍將飛忽怒奔  
長留衣上雨時散樹間雲孤竹風如在清奇自不羣

雨後遊屏巖

龍首連牛耳

龍首牛耳皆山名

巖扃兩壁開鶴分山翠立僧

與水聲來細瀑調琴曲流霞泛酒盃夕陽雲去盡樵

笛背林回

濯熱亭用前韻

不卜巖溪勝那由榮戟閒大連曾有宅

大連遺墟在城東孤竹祠

傍孤竹是何山渺渺千年思盈盈一水間興來頻命

駕意適或忘還

迎候陳奏使赴金川

溽暑初驅馬薰風暗濕衣村烟皆直上山雨每斜飛

蔀屋民猶瘠稻田苗始肥三農方有祝秋熟願無違

奉送金右相

尚喆

赴燕

主辱今如此邦誣誰可刪三台分一點六月度千山

千山遼東山名

專對憑文辯危忠見險艱君靈終有濟好與

鴈俱還

送副价尹叅判

東暹

忍說先朝耻堪嗟弱國臣使乎方急士主耳便忘

身薊北烟迷樹遼東泥沒輪見君眉睫色方識丈夫

真

金陵館餞使行又賦

星槎馳玉塞壺酒送金川辭命詩三百關山路四千

馬驕遲受輓車駛不容眠王事方靡盬諸公奈獨賢

芙蓉堂雜詠 十首

池邊時曳杖樓上或開衙獨酌賢人酒閒看君子花  
醉毫多偃仰風幘自欹斜官舍清如許神仙定不遐

右登樓

芙蓉初出水照日何輕盈魚在香中活船從葉上行  
形神渾如化肝肺亦應清倚棹凝遐想冷風滿袖生

右泛池

滿池紅萬朵照眼令人迷箇箇開相似層層高不齊  
睡容從夜合笑態向樓低隔水清香動相望不可携

右花

荷葉碧於水童童擁畫楹錢高知雨過珠動覺魚行  
久坐渾如醉將歸每有情無風香自起向夜不勝清

右葉

莫惜花難久還憐子漸多何來戴佛頂惟底垂蜂窠  
露掌擎珠寶瑤池列玉柯水仙饑不下愁殺女娘歌

右實

夜深羣籟定隱几更翛然池淨看疑月欄危坐似船  
魚隨樓上笛花倒水中天却笑東坡子何須慕挾仙

右夜

雨後偏多月樓前况有池星河光錯落簾閣影參差  
水漲荷俱上船行魚不知中流採菱去香露濕淋漓

右月

可愛微風捲偏宜細雨斜碎珠承下葉落蘂棲傍花  
皎潔含朝靄離披帶晚霞更看香色外清韻出羣葩

右雨

小棹隨明月沿洄破縠紋歌聲樓底出人語葉間聞  
照水羞紅臉翻風失翠裙不知香起處衣袖自氤氳

右採蓮舟

入島曾成蹊橫空忽起梯月光橋上下花影水東西

更好憑樓望真堪與客携凌波多細步連袂共攀躋

右浮香橋

月夜偶題

徘徊到中夜池閣倍生清倚檻花迎月鳴琴鶴報更  
天容方瀕洞心境自虛明竟是詩難着神來或漫成

早秋新晴登濯熱亭復次壁上韻

溪亭新雨捲物色倍清閒水落添奇石雲開出遠山  
琴樽深谷裏城市淡烟間向晚樵歌起牛羊各自還

發東巡登首陽城東將臺用前韻

肩輿上絕頂盤互路微分踏石生空響披林起宿雲



水環諸島凸天迥萬山奔舉日何寥濶蒼茫鴈數羣

鳳山台城大野

清秋動征蓋長路抗高牙野粟黃金粒山縣白雪花  
川原多氣色村落自繁華始覺民憂減觀風亦可誇

中秋日試文武士于黃州鍊戎堂夜會節度使

李令漢昌及安岳倅李令時中麟山丞于月波

樓設酌呼中復用樓字韻

高城當絕壁勝集屬中秋影動橫江月明生半夜樓  
衣冠多俊彩襟帶壯邊籌倒盡如澗酒星河已北流  
平海之間災荒尤甚衆民擁馬呼訴

今歲亦云歉窮民何太稠紛紛投狀至處處遮途留  
霜下無多日田間不似秋安知一車上獨載萬人愁

午炊海州古村

驅車荒野外炊飯古村邊雀啄新春日牛耕半刈田  
生涯難卒歲收穫減前年芻牧憂方大能無愧俸錢

還營登荷堂

乍別芙蓉堂池臺夜有霜敗荷留半綠虛檻濕餘香  
不復來看月悠然獨引觴明年花發日回想在何方

發西巡向信川

馬前開錦屏旂外見烟汀老樹崔公廟清潭許氏亭

溪山呈舊面絃誦挹遺馨拄笏生遐想征車故暫停

雨中發花山

霏霏雨灑車淅淅風生旃遠樹行如颿飛鴻泛似魚  
秋光還澹蕩行色却蕭疎省野添奇賞新詩正起予

旬日入九月山

奇峰已在目棧路劇逶迤山翠生僧背秋光上客眉  
夕陽明錦繡空瀑轉琉璃此地多仙跡樵童莫看棋

檀君故都

卓立阿斯達飛騰切太虛氣分三聖出根抱六州餘  
水隔青徐野天長箕尾墟精神猶不盡千載更扶輿

登上臺

攀援未覺疲孤絕不勝危俯視雲千變回看天四垂  
地窮目到處風動神來時正色蒼蒼是憑虛始獨知

沿海荐饑

停車看野色葉落風颺颺近海秋仍歉疲氓志不牢  
誅求應到骨賦斂幾無毛自愧旬宣責那寬 聖主  
勞

皇華樓

豐海當西極幽青在眼前箕封窮此地星拱是何年  
向夕常吞日微雲難辨天滄波鳴不息曾泛朝宗船

望德亭觀海

元氣包無外寰中海是宗羣山皆自止衆水盡相逢  
日月時休沐江河屬附庸斟量誰可較惟有大心曾

朝天館觀劔舞留贈主人鄭令 述祚

獨倚皇華館無人勸酒留峰頭初餞日天末又徂秋  
劔氣星沉海潮聲夜撼樓題詩和菊露非直瀉邊愁

長淵新設水軍營將巡到試射行賞控弦者三

百餘人 長淵水營之間有長山串每水軍赴操之時多致滄沒故啓請陞長淵爲水軍

營將分操南北

割與長山北高開右將衙綢繆如有待決拾靜無譁

前度桃含雨重來菊戴花清秋觀海興留恨在金沙

冒雨向蘇江途吟

征邁一旬半流光九月中秋陰先送雨潮信自生風  
戍鼓迎行角星軒逐去蓬海隅徂 聖節頻覺首回

東

蘇江

仗鉞臨滄海秋陰萬象渾圓空疑有絡厚地却無根  
發處分千派歸時會一門扁舟將破浪幾日可窮源

夜宿宣威堂聞風雨聲

江城秋擊柝江雨夜鳴雷風自虛中起聲從激處來

枕邊龍欲吼雲外鴈俱哀悵望燕齊近高歌意不裁  
乘月登洗劍樓

寶劍臨秋水危樓倚半天戍烟千丈直山月九分圓  
痛飲須今夕高歌惜暮年時平臥刁斗城下繫漁船

與水伯李令性默麟丞泛舟挽河亭下

海濶身逾小船行天更低兔毫應在下鰲背却無西  
寸地非吾土孤烟亦是齊飛鴻雲際去極目意都迷  
君子樓夜邀麟丞賞月聽琴

茲樓亦云好臨水可開襟月色寒侵戟潮聲夜度琴  
難逢今夕飲相對暮年心來日當分袂寧辭一放吟

歸路贈別麟山丞

識面從堂后論詩滿海西官清麟一角才屈馬千蹄  
檀嶽雲間飲蘇湖月下携臨分贈秋色紅葉為君題  
既望夜泛月荷池

玉露秋生菊金樽夜泛池天隨樓共轉雲與月俱馳  
弄笛聲相引穿橋影更奇偷閒聊遣興却恐外人知  
重謁潭院設食堂講大學擊蒙要訣

吾道今東矣遺祠尚巋然重攀壇上講如對卷中賢  
翔鳳高千仞方塘湛一天百年開繼志心法更誰傳

投印潭高麗牧使崔永濡遭紅巾亂血書於巖  
投印於潭而死所畜犬亦隨死後人立

碑紀其事

想像崔知州丹心赴碧流犬隨人共烈身與印俱投  
怒瀑英魂在陰崖血字留殘碑堪墮淚志士况悲秋

神光寺

二首○元順帝為太子時放于大青島  
夢至海州有金佛見林薄間道前程及

嗣位遣使  
建此寺云

何年元太子感夢事頗奇石塔藏僧骨金光放佛眉  
飛騰吳子畫荒詭懶翁匙灰劫猶無恙山靈善護持  
古壁看千佛高窓對萬峰樽開紅樹岸飯及夕陽鐘  
落葉風相擊飛泉夜自春騎驢還出洞回首白雲封  
以回還陳奏使迎候發向黃州

秋盡猶行役山河氣更清今朝霜似雪是夜月生明  
木落寒江急天低暮岫橫燕槎消息近何處把盃迎

月夜同牧使李久之

永培

海判登竹樓用月波

樓韻

又喫黃州飯重來赤壁秋二年三駐節千里六宜樓  
琴化風中韻盃傳月下籌憑欄詩欲就簾角數螢流  
夜泛南江做夜操之制設火嬉

城頭列萬炬天地為之紅光掩雲間月芒垂水底虹  
砲聲如抉石火氣自生風縱寓昇平樂須知操練功  
泛月南江復用樓字

赤壁今黃州三秋再泛舟  
古人不可見良夜復清遊  
水落魚歸壑山高月在樓  
縱無蘇子賦簫鼓亦風流

劔水館奉別上价還朝

征旆鳴蜩節歸車賓鴈天  
純誠感殊俗光國又今年  
客袂分秋色仙槎向日邊  
郵亭同把酒山月照離筵

自劔水落後還營復宿養馬洞

送客龍泉上回車劔水間  
行人隨日入飛鳥帶烟還  
此地曾三宿今宵得少閒  
角聲驚曉夢微月在前山

罷官後與通判及三察訪復登濯熱亭

臨水仍成別今行最覺閒  
二年觀察使千里首陽山

雪色歌吟裏禽聲去住間  
風流猶未盡不醉定無還

離營東還 二首

素餐吾已愧白簡豈無緣  
報政餘三月分憂只二年  
駟鍾輕弊屣雲鳥伴歸船  
獨有荷堂月應從夢裏圓  
去歲花迎節今朝雪送車  
養成池上鶴食厭海西魚  
聖渥知何報民憂去更餘  
攀轅多士女歧路每躊躇

別芙蓉堂

征車已載脂徙倚下樓遲  
人去詩猶在琴歸鶴未隨

所養雙白鶴臨歸欲放之羽  
鍛不能飛留付花奴故云香殘蓮葉酒唱罷竹枝

詞最是難忘處花明月白時

宿青丹驛出海州境

經年居海岳何事報埃涓水卒分南北山鹽積二千  
士能知趣向民或免顛連點檢猶餘恨南山未斲巔

道內五山城積鹽為山府南山俯  
臨城中故欲築小城而未果故云

到金川交龜發向松都

當面交朱紱隨身有弊裘都輸二千石全付廿三州  
驛路寒雲積離亭暮角愁三盃拂衣去詩滿海山秋

向高陽

行到碧蹄驛忽瞻三角山故園今在目遊子始開顏  
淑氣千年旺觀風二載還明朝反虎節依舊隨鷓班

解官閒居

伏枕山齋晚天寒雪滿城詩隨梅共澹眠與鶴俱清  
始識閒中樂寧知身外榮松風多好韻時助讀書聲

南遷錄

壬辰五月十二日除承旨隨駕 毓祥宮繳還

備忘啓請回鑾謫清州

乍逐鳴珂入翻成泣玦行愚忠誠未格大度罰還輕  
落日臨官渡孤帆背漢城回鑾安穩未耿結有餘情

自木川向清州

蒼黃出國門疋馬走西原出納言何補清涼地是恩

仁威皆雨露行止信乾坤上黨萬家邑投身何處村

到西原

清州號  
二首

潢池昔弄兵赤子化蛇鯨王者元無戰妖氛倏已清  
竹林殘月影萑葦亂鴉聲屹彼三忠廟偉哉一死榮  
海內皆吾土安身卽是家山河分甸域星月阻京華  
善地恩偏重句天夢不遮回瞻離嶽近終日對烟霞

僑居李氏倦還亭

寂寞囚山裏孤雲伴逐臣隔林鶯喚友開戶月來賓  
日永添書課心閒斷俗因君恩方玉汝何必詠蘭  
蘋

廿七朝聞恩赦

郡吏曉敲扉天書許放歸恩隨時雨霈心逐片雲飛  
詩卷纔盈握衣縫未減圍村醪來送別離思更依依

留題鵬舍

投荒猶善地寄跡得幽廬野濶看雲迥林深見客疎  
縣官分廩米鄰老餉川魚最喜居停主閒供滿架書



耳溪集卷四 終

耳溪集卷五日

詩

朔方風謠

北征

踰菩提坂向淮陽

鐵嶺高

馳馬臺

擊毬亭

掛弓松

土宇基

慶典宅

讀書堂

咸關平

青海祠

侍中臺

磨天嶺

鬼門關

感昔夢

臨滇大捷歌

孔州謠三疊

六歌

浦項島觀獵行

白雲白

射龍臺

朔風行

西水羅日出歌

夏雪歌

塞上吟

塞翁歌

端午篇

胡山青

海棠花歌

思美人曲

盛京歌送徐端揆命善赴藩陽

幹東歌

戍卒怨

黃山遊歌

七月霜

赤島歌

皇帝塚詞

二月間解官報

過鬼門關

夜宿朝日軒

磨天嶺

磨雲嶺

咸關嶺

樂民樓

鐵嶺

踰鐵嶺向淮陽

到耳溪

四郡錄

自忠州入峽

龜潭

向長湖

舍人巖 二首

雲巖

守一巖

出洞

自上津挈舟泛烏潭

出峽

耳溪集卷五

詩

朔方風謠 丁酉冬黜補  
慶興府使

北征

我本慙而顛學道迷方向事君思純白持心勉貞亮  
菲才托盛世外內多騁颺信已不量人如瞽行無相  
冥擿理顛躓嫌疑起姍謗人言竟三至慈母猶恟慌  
郎金敢自卞積玉嗟已喪 聖明初御極新化屬炳  
煨陶甄及微物山藪恢洪量謂愚不足罪謂心或可  
諒終始庇且燾渥澤偏濺汪皇穹豈私我王道本無

正溪集 卷五  
黨矢心期酬報沒齒無恨快屏身歸蓬廬泣愆思艾  
創閉門讀古書孤居息來往飯蔬含 聖恩飲流濯  
塵想放迹山水間芒鞋與藜杖爾來再徂秋榮辱久  
兩忘孟冬月初旬恩書自天上簪履忽記憶瑕垢盡  
滌盪寵以司民社試汝扞邊防尺朽終不棄寸技若  
可獎枯骸獲生肌死灰如復煬闔門皆驚歎相對涕  
淋浪明朝詣謝恩雙闕來曉望經年入脩門悲喜情  
難狀翼翼仁政殿旭日煥金榜拜跪聆臚唱愀然憶  
疇曩翌日命陞辭賜對趨內仗呼來近寶座 玉音  
何高朗溫言激愚衷前席屢頓顙 威顏獲一瞻退

死無餘悵遲徊出禁扃情悃更悽恨自顧螻蟻賤遭  
逢千載曠欲報恩何由天高而地廣邊門責亦重恐  
懼莫稱當內府出弓矢兼銜攝衛將錫之良馬二往  
爲六鎮長終童昔請纓嚴助亦乘障軍旅縱未學素  
志頗侷儻常陋馬少游係戀兒女養短髮橫脩劔白  
面帶虎韞行裝儘恢奇顧眄生慨慷勒石猶能爲裹  
革亦不讓男兒事固爾我言非狂妄飄然出東郭意  
氣何颯爽背後終南遠馬前高蓋抗寒飈振落木天  
宇肅而昶回首望京洛雲日隔莽蒼行旌入關東勝  
區饒清賞橫槩亦能賦江山足敖宕金流綴玉屏

永平

地有金水亭蒼  
玉屏溪山絕勝

日華翻細漾蓬萊字如蛟

蓬萊楊士  
彥號大書

刻於  
亭壁

勒趨奔夔罔躍馬者弓氏荒城餘斧壤亂流固

鮮終騎淫竟不王真人遂合三驅除同走壙栢田弔  
國殤膏血染野莽悲風砉然至毅魄來徧徧金剛號  
圓嶠海內應無兩神斤太斲琢瘦骨立骯髒羣峰迭  
獻態萬象窮肖倣列仙之所廬雲駟自崑閩茲行信  
不偶歸日期探訪今秋水漂山峰壑失舊彛峽民多  
流遷提挈或負襁停車問鄉邑蹙然久倉悅彌迤涉  
長陸川谷互低仰浮雲結層陰野色迷遠漲驅馬向  
鐵嶺朔氣連千嶂鐵嶺高巖峨恒岱是輩行邈矣三

千里極目何漭沆山川鬱相繆磊落散釜盎官路直  
如繩廣陌一掉鞅孰謂關山遠按圖不盈掌金火閱  
幾劫往蹟紛浩穰黑石龍興里王業此焉創 原廟  
儼珠旒萬世升醴鬯周幽與漢豐大哉風泱泱虬虎  
競騰拏中多 聖人葬元氣積磅礴冀雍可頡頏雙  
城永興  
古號以北疆往代女真搶壯哉金與尹勲伐誰並  
伉提封賴廣拓土物宜永享咸州大都會形勝倏塏  
塏雄城列檠戟譙堞屹有閭巋然樂民樓層構極宏  
敞長川駕穹虹嫩沙浮畫舫北方多麗人粧服學京  
樣滄溟抱其背舟楫通餽餉戎馬埒并代武力亦斯

張其俗好騎射其地利車輛楛矢自肅慎勁迅過篠

蕩石斲銛於鐵穿札如貫鏃岳牧稱南閔南藥泉九萬閔老峯

鼎重為監司大興文教文教自此昉齊魯待則是前哲豈我誑

國島聳環形七寶羅珍藏甲山挺翠蔘端川出美瑒

盤古蛻靈殼富媪留秘帑北青瞻孤祠白沙李公恒福謫沒於北

青邦人圖像祀之宗臣垂遺像倫綱尺紙扶大名雲霄亢磨

天插乾絡斗衡倚孤桁鬼門拆坤竇墟落竄翹危

磴叱馭下過去不移响空添白數莖寧費蠟幾緡元

帥北開府嶺阨據喉喉噪臺隍壯包絡管鑰專堠璋立

馬五國城會寧地有甫羅鎮世稱五國城舊址異代起惻愴萬乘作雙

囚金甌恣攫掠索地市梓宮狼心劇僧駟君臣瘞同

溝羈魂想隣傍虛勞二醫來何無一士仗胡公噴肝

血宇宙鳴忠讜白嶽雄東北豆江出滉瀆其外即瑟

海風濤日相擋靈根孕三韓亭毒仍北塊赤池肇王

迹異事傳鬪蟒 上聖自膺命神物豈冥償避狄同

芮鞠斬蛇類芒碭濬發流洪祚佳氣至今旺十州連

味尾西羅垂如吭平生四方志心目此可壯太史遊

梁楚雄藻貫氣象子美落川蜀筆端欺化匠坡仙浙

西投柳子嶺外放文章得神助成就皆君貺而我異

於是駟乘兼官饗才調愧昔賢榮悴寧比况恭惟玉

汝恩感結鏤肺臟夙夜勤職分衰鈍益勉彊披心化  
狙獷摩手拊瘡痒窮蔀軫凍餓深峒達幽枉不必專  
煦嫗不必恃捶榜惟能不鄙夷然後親長上男兮力  
稼耘女也劬縑紡長楸好格獸半江莫縱網半江以外謂之  
彼地有平時有素養倉卒得先倡關市明約束交貿  
絕誘調忠信可蠻貊強隣豈猖獗慎勿求宛種慎勿  
通蒟醬民獠各得所聲教方盼蠻積表玄陰積平地  
雪數丈天氣截北南九月冰腹脹黃沙擎地起日光  
常朦朧獵騎來如風咫尺褰穹帳夷夏界一帶徒揭  
不用槩邊釁起呼吸守臣敢飽餓北門慚寇準西河

慕魏尙清晨挾矢出廣漠嘶驢駛胡山壓面立壯心  
思一踢弱國無長策寸地誰能攘惜哉分水碑疆履  
胡未邊王靈薄海隅威德政遐暢山烽疾如期戍鼓  
靜不響仁風溢四境殊俗亦慕嚮且緩羊公帶時披  
王子鼈爐薰淨印架塞月明書幌宵柝報平安睡起  
朝暎晃莫云食無肉淡菜堪作湯莫云樽無酒耳牟  
亦可釀莫云土無繇馳貉敵絮纈莫云山無果健脾  
多榛橡莫云地濱海清朔無炎瘴莫云風掣瓦板壁  
有煖炕莫云官似戍吏卒環前廠玉以琢成器金待  
鍊稱鋼逍遙以自適曾襟廓蕩蕩山甫豈永懷定遠



正溪集 卷五  
終無恙寄聲報弟兒遠別莫悵天涯隔 君親魂  
夢徒迂迂聊成出塞曲臨風發浩唱

踰菩提坂向淮陽

曉度菩提坂層冰冒積石山路曲以梯懸崖側千尺  
其下大江吼俯睇凝黝碧羣山立戍削峻角森如戟  
輿人屢易肩九喘一移跡自笑千金軀到此危一擲  
賢哉二王志忠孝義各適我獨康莊視聊以壯遠蹠

鐵嶺高

鐵嶺高坤軸牢岡巒巖嶂而嶄巖鋒角轟鋌刀康回  
頭觸不周背陰壑柱巨鰲元氣蜿蟺西南走鑄金剛

兮鍾神臯鐵嶺高烈風長怒號玄冰峨峨拖穹壁飛  
鳥戢翼兮斑豹悲嗥行人顛車轂翻詰屈低仰如桔  
槔往者靺鞨窟其墟千里封疆淪腥臊男不耕兮女  
不織橫戈挾弩紛繹騷生靈塗榛莽原野流血膏鐵  
嶺高鐵嶺高山河氣勢何雄豪 聖人起朔方劔三  
尺鞭一條指揮定三韓左黃鉞右白旄西方大旂從  
天下九城諸部一戰塵神騅如電箭如星善介雙縛  
生真逃三軍凱歌入和州萬姓驩呼迎干翽北至長  
白東瑟海鬣髻盡解加冠袍是時中州胡塵亦掃清  
真人首出南之濠天下屬文明祥雲與化翽鐵嶺高

鐵嶺高山無狼烟兮海無濤元山之魚六鎮髭輕車  
重馬兼快舠水陸日夜湊漢京不獻東鷹與西葵土  
物惟有服食器用貢白金黃玉翠極玄茸青鼠紫貂  
毛爾來三百八十年枹鼓不鳴甲弓橐街童盡唱龍  
飛歌武士皆騎白鼻毫縫掖彬彬習禮讓明廷往往  
登俊髦生兒育孫孫生曾耳雲架有裳衣兮甕有酒  
醪花之朝月之夜夏之伏冬之臘南阡北陌兮聯翩  
遊遨吹竽擊缶烹狗魚羔嗟爾山海億萬含齒類能  
知大禹八載疏鑿胼胝勞嗚呼千秋萬世恩鐵嶺高  
復高

馳馬臺

在盤龍山上卽咸興主山逶迤起伏環抱大  
野兩峰對立山腰平廣馳道遺蹟尙今宛然  
馳馬臺何崔嵬盤龍之山騰拏數百里有平原蜿  
蜒而紆回 和陵定陵似春陵佳氣葱籠久胚胎龍  
瞳日角神且武天啓三韓濟世才是時王氏失其馭  
萬姓悉號其聲哀爰有神駒出朔方太一况兮從天  
徠遊麟青獅子黃雲之孫兮龍之媒神物終爲 聖  
人用羈之絡之雲田社裏來騎上下山捷如飛霜蹄  
滅沒絕浮埃虬行鳳蹠中節奏十里五里一徘徊延

頸翹足起遠想向風長嘶殷其雷馳騁大小百餘戰  
北夷南蠻誰不摧龍飛九五壬申歲一戎衣分清八  
垓箕子舊封三千里鷄狗不驚戶夜開弓韜甲岬不  
復用馬兮歸之青海隈青海茫茫芳草萋萋躑躅餘  
痕臺上苔

擊毬亭

在咸興南三十里距本宮十五里野中高峰  
斗入海中其上平行如盤被以嫩莎傳是  
太祖潛邸時擊毬之地後人起亭其頂眼界  
遼濶東南無際可觀日出

擊毬亭臨滄溟滄溟之水繚繞龍潛里水光山色何  
青青魯人獵較兮聖人多能于以戰藝九達庭其毬  
伊何削木成大於鵠卵圓如鈴縱橫跳擲勢不定上  
下杖尖無暫停走時快如盤上珠落處閃若雲間星  
毬兮異乎人之毬小用大用不同形運之掌上神無  
方捫山嶽兮掣雷霆三韓天地大如毬神人夢授金  
尺筵一擊兮哈蘭城朔方千里洗羶腥再擊兮雲峰  
野江戶百蠻讐威靈三擊兮威化島八紘山河俄清  
寧君不見擊毬亭下尺寸地皆是 聖人迹所經至  
今草樹猶芳馨齊楚江南眼界濶日月如丸轉青冥

頗恨鰈域之內步履窄白山豆江小門扇鐵嶺爲垣  
兮瑟海爲池 聖子神孫繩繩億萬齡嶺不磨兮海  
不枯風雲長護一小櫺

掛弓松

在咸興本宮後庭中今有三株極奇古一株  
自枯只餘根幹堅如銅鐵一株大十五圍許  
一株大十一圍許枝幹倒垂蟠據幾十畝皆  
以長木撐拄壬辰之亂倭賊斧斫一枝鮮血  
迸出風雷大作賊徒驚散不敢復近云

掛弓松乃在咸州之本宮云是 聖祖手所植尙餘

三株後庭中亭亭偃蓋蔭十畝上有光恠干碧穹龍  
拏虎蹲勢欲騰柯如蒼玉根如銅雪峰山下馳馬歸  
三尺烏號掛如虹枝頭嫋嫋上弦月葉間瑟瑟帶箭  
風南征北伐倚神器烏喙勢面無全瞳弧矢方祥數  
十載天地清夷日域東威加宇內眷故鄉仙蹕重來  
似舊豐鑾聲兮噦噦翠蓋兮童童清陰芳草宴父老  
大風之歌何颯颯祥雲長繞萬年枝古幹扶疎立穹  
窿往歲烏夷犯大邦興王舊壤烟塵濛敢以斧斤入  
宮樹龍鱗一片鮮血紅忽然驚風掣地起若有轟雷  
殷半空羣盜相顧盡獸駭不覺叉手仍鞠躬樹木尙

耳溪集 卷五  
爲神靈護枝葉皆與造化通從此騎虜折凶圖咸識  
聖人樹立雄蒼髯屹然四百年鐵山扶桑相始終嗚  
呼欲知當日櫛沐開創功須看金櫃絳紗籠中有十  
三羽箭一角弓

土宇基

在讀書堂北七里山谷中 太祖幼時作陶

穴讀書之所

土宇基靈且奇王業起於斯 皇祖避寇自赤鳥雙  
騎白馬遵海湄譬如太王踰梁山率西許聿來胥宇  
同厥妃歸州之山窈且深陶復陶穴何勤孜孜象爲耕

兮鳥爲耘山蓄水飲禦渴飢積厚流光仍發祥天降  
百祿無不宜篤生 神孫受景命化家爲國終不遲  
檀木槿花三千里不階尺土奄有之長白山高青海  
濶縣縣瓜瓞無窮期君不見土宇基誰知王業艱難  
時嗚呼誰知王業艱難時

慶典宅

在咸興東十里州東社歸州洞 太祖初邸  
也 定宗 太宗皆誕降於是 翼祖自慶  
典赤鳥避賊遷咸興松豆里因胥宇于此人  
謂之慶典宅 太祖臨御後建殿于其址繚

垣植松以護之

慶興宅肇王迹萬物始東北元氣所儲積 神人來  
兮海上渡赤鳥兮其馬白藍縷啓山林陶漁類雷澤  
又如周后棄藝禾麻菽麥原有茶兮如飴田有稼兮  
孔碩百七十家歸如市成聚成都連阡陌仁聲日以  
遠土宇日以闢惟皇上帝厭麗德監觀四方臨有赫  
大命無私阿惟明德是擇馨香乃上聞鷄鴨運將革  
爰有 神孫降付以丕子責異讖徵木子靈夢授金  
尺謳歌歸兮億兆曆數當兮五百三韓奄爲家疆域  
遂廣斥盛德元無外東海爲之畫天乃錫以類 二  
后膺震索文謨與武烈金泥煥玉冊於千萬斯歲鼎  
器如磐石松豆之里數畝宮洞有流水庭有栢水流  
海兮無盡栢與天兮長碧

讀書堂

在咸興東十五里歸州洞雪峰山下 太祖  
潛邸時立精舍於澗邊盤石上讀書其中前  
有石峰奇秀名曰石茸階前層瀑噴流幽絕  
清爽後人重修爲屋四楹當中一間作煖室  
丹牖扁曰讀書聖址寺僧守之

讀書堂歸州洞裏雪山陽伊昔東方

聖人作聰明

神武似禹湯天縱生知不自聖詩書六藝學無方茅  
屋數間山之中層巖爲屏土爲床石茸之峰丰茸若  
出雲下有飛瀑琮琤響瓊琅 玉音高亮滿天地龍  
在壑吟兮鳳鳴岡天經地緯入範圍雲漢下垂昭回  
光文以得衆武定功天乃昇以三韓王靈奎珠綴耀  
析木瑞日雲擎升扶桑維時中國屬大明同文萬里  
通車航洪武二十五載卽壬申一似檀君戊辰並陶  
唐羅麗以來數千年鴻濛始鑿開僞荒聲明文物軼  
華夏一代制作何輝煌大冠長裾仍濶袖周旋揖讓  
巧趨蹌家絃戶誦習篋篋八域盡化鄒魯鄉漢唐詩  
賦洛建學名儒碩師項相望竈婢亦耻二更夫馬廐  
皆行三年喪嗚呼盛哉自有東方未曾有文章煥乎  
周與商劉家舊豐唐晉陽不聞當時有書庄滄海爲  
硯兮白山爲筆神功何以大鋪張惟有舊堂巋然山  
海間年年春到百花滿地香

咸關平

在府西三十里大嶺橫截南北峻險亞於鐵  
嶺 太祖大破納哈出於此

咸關平朔方清納哈出猖狂侵凌北諸城蹂躪我禾  
麥係纍我婦嬰鐵嶺以外皆震驚烽火連松京授鉞

我太祖赫然乃徂征金鼓動海山雲日耀戈旌遇  
之咸關下高原列寨營親御橫雲鶻萬馬寂無聲翻  
身避飛槊仰射絕胡纓軒然馬上立笑看空鏑鳴金  
甲有梟將猛勇無與撓銅面掩腮頷堅滑不受兵抽  
矢先射馬馬與人俱驚轉頭引鞚急口呀如相迎白  
羽貫其喉倒落陣前橫神弧無虛發一舉殪三勅於  
是賊大崩駭奔棄饒鉦鐵騎從而乘楚踏盈塹坑兔  
兒洞咸興坪流血野草頽碑礫聲一起驚魂不回睛  
威名遂遠振大業從此成都連浦外無東漁韃鞬城  
下始春耕

青海祠

在北青府北二十五里良家社別鴈臺下青  
海伯李公之蘭以開國元勳謝官北歸托跡  
空門 太宗卽位累徵不起遺令火葬立浮  
圖崇禎丙子八月雷雨大作浮圖盖石自開  
石龕中沙灰有紋縱橫自成金來二字人莫  
曉其意是冬金人果來始識英靈預告兵兆  
今有影堂掛小像神彩曄然如生

青海之水何洋洋 真人奮起日出方雲從龍兮風  
從虎維嶽之神降大荒渭川占匪熊有如太公逢周



王桃園結大義又似劉皇得關張經營四方每與俱  
飛騰百戰誰敢當長劔掃攙槍神箭射天狼薛列罕  
黃草嶺東真北蒙走如羊三韓全幅屬仙李萬世洪  
基奠漢陽南宮帶礪裂茅土壁上丹青三重匡功成  
兮不居匹馬飄然歸桑鄉逃禪頗似李鄴侯辟穀還  
如張子房紫誥聯翩來北闕素履安閒守東岡身與  
名俱完百世流芬芳不用丘隴象祈連應有精靈鎮  
封疆崇禎丙子秋八月寧古可汗始強梁無端雷雨  
起荒阡大石自開浮圖藏中有金來二字書點畫分  
明墨色光非人非鬼誰能測觀者相傳皆驚惶果然

是歲冬金人來東搶公死於今二百年公靈來告何  
其詳山河壯氣貫日忠不以生死而存亡別鴈峰下  
良家社遺像儼然掛高堂眸如明星兩頰紅疎髯颯  
颯神揚揚平生景慕願執鞭今日瞻依如拜床嗚呼  
九原不可作惟見山蒼與水長更願千秋振威靈護  
我宗邦壽而昌安如泰山固金湯

侍中臺

在北青府東六十八里蔓嶺上高麗睿宗時  
遣侍中尹瓘爲元帥以吳延寵爲副發兵三  
十萬征靺鞨收復九城嘗登臨于此後人因

以名焉臺臨大海可觀日出環以萬松立石  
其上前有兩松枝端相交宛成門形

北登侍中臺前臨滄海水滄海茫茫不見際高臺屹  
然千丈峙上有片石大書刻云是元帥姓尹氏往在  
高麗肅宗時女真堀強乘釁起盜據鐵嶺以北壤食  
我封疆如封豕當時文武事姑息坐失先王舊賜履  
睿王初嗣位赫怒按劔蹠乃咨一二同德臣曰權延  
寵汝可使選兵三十萬長驅二千里軍聲翕翄若風  
雷斬將擐旂隨手指纍纍首馘竿上懸紛紛渠帥馬  
前跪蜂窠蟻穴歛掃盪皮服氈裘如獮薙雙城諸郡

盡內屬六鎮餘醜咸北徙剗山刊木遂通道復嶺重  
關平如砥天廡始貢鞞鞞馬內府還藏肅慎矢洗兵  
瑟海波勒石白山趾至今臺上萬株松邦人愛護甘  
棠似前有雙樹枝相交儼若戟門開壁壘奈何百戰  
經畧地中間棄擲如弊屣微我 聖祖神且武安能  
收復故疆理嗟哉肉食無遠謀向來定界兒戲耳先  
春嶺下漫指點古碑埋沒何處是

磨天嶺

在磨雲之北橫截端川吉州之間舊號伊坡  
嶺高峻危險過于磨雲鐵嶺咸關便是坦途

此乃北路第一嶺阨上頂奇峰簇立俯臨無地惟見大海茫茫鄭東溟詩所謂前臨有大澤蓋乃北溟云一句描寫盡之筆力可畏此嶺一帶舊有九阨中年並植木塞路只通此嶺而嶺脚入海處有棧路可通步行置城津僉使守之

昨日過磨雲今日上磨天磨雲尚可攀磨天之高薄太玄車聲軋軋轉鳥道危棧側磴空中懸前人足在後人頂十里回顧猶比肩萬木森束如蝟毛往往龍倒而虎顛層冰谿訝不見底時有驚鼯與凍鳶神眩

口呿不能語積雪寒肌流汗漣嘗聞千金之軀不垂堂胡乃性命輕如擲一錢前挽後推運寸步百折千回到上巔磨天之巔何遼廓日月倒景兮雲霓後先奇峰削立雄且秀萬丈瓊枝擢金蓮飄然身在九霄上兩腋風生自翩翩倚劔一長嘯四顧何茫然上蒼蒼兮四垂俯渺渺兮無邊蜀道之難猶不及此我欲把酒問謫仙憑高却憶鄭東溟安得健筆大如椽君不見白頭之山奔騰二千里東到滄溟不能前梯嶺巔屨鬱未洩卓犖奮迅上與斗尾連咸關爲兒兮鐵嶺爲孫壯我北門張威權靈氣散爲物之英玉出岡

兮珠出淵山有猛獸水有長魚搏牛車兮吞戈船始  
知厥初開鑿非人力誰借巨靈之掌雷公鞭偉哉尹  
侍中仗鉞來何年提兵絕大漠一膊掃腥羶又聞金  
元帥邦威赫遠宣手揮孔明羽身裹鄧艾氈六鎮疆  
土野人墟拓盡勾麗舊山川皮衣樺屋入版圖白葦  
黃茅化良田磨天之險若通衢南縣北布交市廛豆  
滿江水流如帶後春山色晴無烟我思古人長嘆息  
據鞍高歌出塞篇出塞之歌正悲壯回首長安路幾  
千

鬼門關

在明川府北三十里野中有山曰甫老只德  
長坂成路行十餘里忽然地形凹陷如入深  
坑四岸壁立土色皆黑巖石多竅穴如蜂窠  
陰晦不見日光中有大川彎曲沙礫堆積無  
片土可食數三撥戶以石覆屋不似陽界名  
以鬼門誠非過矣中置驛院以憩行旅

鬼門關非人寰高陵忽中坼四壁成大環東北缺其  
口流水曲如彎土色皆黝墨慘惓帶皺顏石面多罅  
孔蟲蝕而刀鑽愁雲翳寒日仰窺天團圓叢榛與亂  
磧滿目荒又頑是時天大雪層冰塞深灣壞崖俯陰

五溪集 卷五  
壑霏靄不可攀玄冥宅幽都我車出其間谷鳥似鬼  
嘯悲風雜啾啾居民石爲屋巢穴類猺蠻行旅盡魂  
魄我僕亦涕潛 聖明初出震赫日照海山周道通  
羌髻禹鼎燭神姦荒徼視堂衢恩意藹惻懷命我鎮  
北門弓馬寵匪頒豈直禦魑魅將使惠孤鰥跋履三  
千里徒御健且嫺威德恐未宣行路敢言艱呼酒憩  
驛亭凍泉鳴潺湲彈劒歌一聲邊山露數鬢叱馭行  
莫遲憑軾意自閒君不聞曾子嘗有不入里墨氏猶  
稱迴車還如今八域熙熙同春臺鬼門之名從此刪

感昔夢

丁酉二月夜夢有掖隸到門傳 桓祖大王  
命召賤臣卽具冠服隨往至一大宮府拜于  
庭升高樓昵侍一如詩語旣覺異之語及家  
弟是冬有北行肅拜本宮望見豐沛樓歷歷  
如夢中所見不覺愕然而驚愀然而感因作  
此詩翌日宿利城又夢有貴官稱臨瀛大君  
以 上命持盛饌來餉尤可異也

春王二月在京師中宵有夢一何奇傳呼紫衣來革  
門 桓祖大王命召之蒼黃顛倒攝冠裳走詣行朝  
不淹時崇墉屹屹列畫戟層棟翼翼臨碧池巍然寶

座望若天日月屏風山龍垂中庭拜稽上丹梯肅然  
身如登赫戲天威咫尺敢仰瞻但覺彤雲爍朝曦從  
容前席假顏色依稀舜瞳與堯眉諄諄天語未盡記  
大抵恩數絕等夷俄有近侍宣法醞璀璨金盤兼玉  
卮回身下殿忽驚寤衣袖尚餘天香滋恂悅踉蹌情  
莫狀真耶夢耶久然疑丁寧細向家人說中心藏之  
如奉持邇來日遠漸日忘流水浮雲與共馳今冬乃  
有北塞行千里關山路透遲行到咸州謁本宮往事  
迷茫知不知忽瞻豐沛之高樓歷歷前觀無參差周  
旋欄檻儼有神愀然如見肅穆儀疇昔之夢乃大覺

不禁雙淚流漣漣始知萬事皆前定行止非人出處  
爲皇靈詎記螻蟻賤精誠暗與宵寐期或者愍念在  
泥塗拂拭薰沐加恩慈苟非覽揆余衷情耳提面命  
乃若茲噫嘻天心將玉汝 前聖後聖傳一規北方  
宦遊知多少此事從前更有誰微軀曷報如天渥舊  
宮愈激沒世思惟將寸管歌盛德遠配皇矣大明詩

臨溟大捷歌

臨溟驛在城津吉州之間鄭評事文孚壬辰  
大破倭奴於此有勝戰碑鄭公與鄉人李鵬  
壽等舉義於鏡城武溪漁郎里首斬叛奴鞠

世必進擊倭屢立奇功北方遂平監司尹卓  
然誣奏抑其功只加通政階官遂不顯 仁  
廟朝死於詩案逮至 顯廟朝李畏齋端夏  
爲評事陳疏閔老峰鼎重以監司啓聞伸雪  
褒贈鄉人立祠於武溪賜額曰彰烈

鄭評事奇男子微爾盡黔北人齒時有長鯨怒鬣閃  
燿若火熾滄海爲沸東天紫三京焚燒八路崩翠華  
遙遙鴨水吐其酋清正最黠驚萬隊橫行遂北指快  
劔如霜彗日芒毒丸如雷洞人髓元戎旆折鐵嶺上  
三軍潮退未敢發一矢烏言卉服滿朔野腥氛慘愴

興王里磨天重險掉臂過九鎮諸郡望風跪桀奴叛  
吏爭倒戈處處翻城囚長吏王子大臣亦受縛國何  
汝負乃忍爾箕封千里爲戎矣關北曾無一義士維  
時蓮幕隻身跳山行草伏形容毀彷徨歧路誰與歸  
邂逅同志崔姜李揮涕飲血仰天誓一百義旅投袂  
起裂裳爲旂鋤爲兵白面將軍杖尺箠鳴鼓徐行入  
鏡城士女歡迎惟命俟南樓業業建牙纛磔斲鞠豎  
懸街市軍聲一朝震北路叛賊次第束身死蕃胡伺  
釁乍蠢動若崩厥角咸率俾蠻兒聞之卷甲來肉薄  
登陴如附蟻城上一鼓箭如雨僵尸盈壕不旋趾官

軍追奔至吉州三戰三北皆離披長坪雙浦數百里  
投戈棄鉦何累累驕虜膽破若無骨蝸縮蛇蟠土窟  
裏端川大兵自來迎半夜銜枚將南徙草山偃旗截  
歸路前有角兮後有倚白塔之原臨溟野健兒賈勇  
如虎兕紛紛鼠竄與兔脫往往裂腦而折臂髡頭裸  
足化京觀長繩簇簇貫左耳刳肚擢腸立如堠醜類  
狂顧那嚮邇倭會大哭走踰嶺頭雖戴矣魄已禡陣  
雲初霽白榆社血刃淨洗青海水朔方二十有三州  
寸地皆還我疆理可憐堂堂二壯士功成身殞馬前  
墜蠟紙遙飛奏行在 至尊動容悲且喜璽書寵嘉

進官秩賜賚便蕃及衣履藩臣擁兵但自衛 君父  
蒙塵越人視奈何耻已無功嫌人有媒孽其短反揜  
美公議百年竟得伸贈誅輝煌邦人祀武溪之上漁  
郎里山川鬱鬱環古壘昔日金尹拓疆土國威兵力  
是憑倚公遭板蕩奮空拳屹若狂瀾障一砥不然不  
惟豆江以內非吾有荐食上國從此始如公樹立更  
卓然千載睢陽可並擬生前落拓死時煩冤俱莫恨  
巍巍名與白山齊高峙我過戰地起感慨彈劔長歌  
爲變徵彈劔歌聲激烈邊風獵獵鳴不已

孔州謠三疊



孔州城何處是城中人飲豆江水東韓地盡瑟海頭  
南去漢陽三千里烟火近接女真村風俗猶傳肅慎  
氏海魚兮無鱗山麥兮有耳衣袴多穿赤狗皮文書  
盡用黃麻紙方言詭異喉聲急入耳漸慣方默揣呼  
牛喚馬若長嘯初聞人皆瞠然視跋高車行軋軋雪  
上載柴足無履每歲臘月將牛馱鹽去買來清馬慶  
源市鹿屯島邊好馳馬左帶劍兮右挾矢馳馬兮較  
射來月行營選騎士

右第一章

孔州山立峻嶒王跡之所興白嶽雄蟠天北極四時  
長留積雪與層冰上有天池倒瀉如垂虹西爲鴨水

北爲混同東爲豆滿流泓澄豆滿之江春撞奔放千  
里入瑟海羣山夾水羅絡天矯如翔騰坤靈扶輿中  
開 聖人宅周有邵兮舜諸馮赤島磊峨赤池深續  
紛異兆與奇徵鵠嶺兮青松老滄海兮瑞日升手挈  
三韓爲一家 聖神繼繼又承承佳氣千年鬱鬱葱  
蔥然君不見古 安陵古 德陵八池盈盈隔一水  
五色蓮花如霞蒸

右第二章

人言孔州惡我見孔州樂孰謂荒塞遠我愛王化博  
昔日野人據六鎮束縛驅使同部落卽今朔方歸版  
圖冠服室廬效京洛昔日靺鞨隔岸居朝夕憑凌遭

暴掠卽今江北無烽火早寢盱起兮春稼秋穫大兒  
學騎射小女工織作南商載繇絮北市多羔貉朝出  
獵兮暮出漁山有肉兮海有錯衣掩身兮食充腹徭  
役不煩兮租稅薄鷄在埒兮豕在柵門無吏胥來叫  
索村酒兮盎盎社鼓兮拍拍年年歲歲長如此安知  
帝力在耕鑿

右第三章

六歌

經年絕塞不勝家國之戀舍弟寄示古詩五  
十韻語多感觸擬老杜七歌作六章章八句  
以答之

我所思兮在萱闈鶴髮垂垂對斜暉晨昏起居遠離  
違關山杳杳音信稀堂上久拋老萊衣應勞倚閭念  
渴饑歌一唱兮欲奮飛矯首南雲曷月歸

我所思兮在北闕赫赫中天仰日月容光本自普萬  
物大化偏深潤枯骨經年出塞徒廩啜中夜望斗至  
明發歌再轉兮夢超忽雲山萬重渺難越

有弟有弟在漢陽我髮星星爾鬢蒼形分影離忽乖  
張天南地北隔參商雪山青海鴈聲長明月孤樽誰  
共床歌三翻兮結中腸我看雲時爾陟岡

有孫有孫纔五齡煢煢在抱何零丁別時痘瘡滿面

生近日稍聞戲軒庭索紙寄我書縱橫點畫時成蚪  
蚪形歌四闋兮不堪聽眼中依依見寧馨

有子有侄俱弱冠庭擢玉樹階生蘭眉目娟秀步趨  
端文詞筆翰動波瀾食無求飽居無安少不努力老  
悲嘆歌五拍兮悄無歡汝曹書來每自寬

我有幽居在冠山巖屏九曲屋三間層峰高下列千  
鬟清流白石何斑斑一別雲林月幾彎滿山松桂有  
誰攀歌六成兮清且閒春風送我拂衣還

浦項島觀獵行

在府北十里  
豆滿江中

豆滿江上玄冰滑浦項島中白草濶孔城都護清晨

出從騎百隊健如鶻長劔橫腰矢插房意氣颯爽勁  
風發籠山絡野合重圍焚林剔藪傾巢窟呼聲動地  
火氣烈駭禽困獸爭奔突竄伏或向草底逸趨捷或  
從樹杪越可憐濯濯雙白鹿角罥蹄絳不自拔長繩  
繫頸兩人挾生致麾下來蹙躡鳴鼓揭旗若獻馘將  
士謹啞紛挑達鹿兮鹿兮何不遠跡深山裏求食江  
干與林樾身掛網羅爲人掇文王繫易言卽鹿月令  
春蒐貴中殺仁人之獵不盡物任渠東西走且活其  
中亦有幸不幸弱者罹之强者脫萬事不齊堪一笑  
我獨見此興嘆咄嗚呼有劔不鳴伊吾北有弓不掛

耳溪集 卷五  
天山月胡爲越越逐原獸朔雪飄飄映短髮

白雲白

白雲白白雪白我髮何如雲雪色雲在天兮雪在山  
白髮崢嶸滿我額白雪一遇春風散白雲須臾變蒼  
碧我髮一白何時黑髮白無有疾痛與害事其奈兩  
脚俱軟牙齒落脚軟不能登名山齒落不能嚼硬肉  
登山尚有與擔負硬肉猶待烹爛熟最是雙瞳忽生  
花如烟似霧來遮隔晝陰不得作小字夜燭不得看  
細畫百家點刪將罷遣六經箋註漸難讀平生嗜好  
忍捨擲此心安得不落莫當風自淚向日羞閉睫時

如僧面壁五十始過便如此六十七十斷可識歲不  
我與老更促縱使百年如過隙昔聞野老有恒言死  
不足悲老可感少日過耳若不聞身親當之今乃覺  
老可感可奈何日月亦有盈與吳人生何獨如金石  
從古聖賢骨已灰至今精神留赫赫我目雖昏心不  
障蛟胎鬼膽猶抉剔我身雖老氣不摧龍門碣石可  
劈跡焉能局促效轅駒有時發憤忘寢食欲學豎亥  
逐日步願借大鵬垂天翼上攀無倪下無底東畧扶  
桑西若木百世在前千劫後男兒事業無窮極直到  
蓋棺乃得已眼前寸晷真可惜胡爲乎徬徨半途不

耳溪集 卷五  
努力獨不聞衛武公九十五歲猶賦抑莫嗟髮白如  
雲雪且復高歌引大白

射龍臺

在慶興府南十里赤池上卽 度祖射龍處  
赤池何在咸池東紫貝之闕珠爲宮波浪近接豆江  
濶孔穴下與瑟海通爰有神物宅其中河伯海若失  
綱紀異族跋扈來爭雄黑鱗兮玄甲叱咤列缺驅豐  
隆客強主弱勢不敵乘雲上訴蒼蒼穹帝命北海神  
禹強禹強喝呵久無功天乃震怒授乾符曰汝假手  
東王公翩然銜命下箕躔半夜幻成白衣翁恍惚來

入 聖人夢稽首乞靈禮貌恭排患禁暴奮高義詰  
朝帶矢登南峰矯如鄭門方酣戰蜿若中天交雙虹  
不辨客主那輕發悵望半日還弢弓是夜神翁更來  
告黑者是寇白者儂公能終惠我必報後世福慶應  
無窮 玉趾再舉回 重瞳黑雲如山天晦蒙金僕  
姑飛碎尺鱗玄黃血化池面紅怒鬣崢嶸尾擊水驚  
雷訇磕口生風俄頃雲散浪花定其角戢戢走喁喁  
龜魚舞躍龍返淵天開日晶氛翳空大澤斬蛇靈讖  
叶潯陽射蛟神武同于今赤池之水青如藍射龍臺  
上氣籠葱析木精垂降 神孫滄海雲蒸送真龍君

耳溪集 卷五  
不見屈伸浦飛砂抉石留遺蹤

朔風行

昨日風今日風朝朝暮暮號怒聲何雄一月二十九  
日風一日不風天濛濛揚沙走石相撞擊屋瓦翻飛  
飄半空樹木摧殘矮短仍拳曲江邊一帶山皆童厥  
土惟有赤柳黃榆生棺槨棟椽安得栢與松厥俗大  
戒在失火家家曲突剝木立烟筒行人道上不能頂  
戴笠塵埃撲目迷西東流澌滿江雪助威掀山碾壑  
來隆隆窸窣蓬勃起何處孰使之然鳴不窮得非大  
塊决裂土囊口或是太陰震撼箕伯宮老夫骨瘦最

怯風終日下簾塞窓窻耳邊常如雷咆吼往往咫尺  
語不通年來眼花北來添視物不快多朦朧如今聽  
官漸失守更恐自此成全聾聰明盡廢空皮殼白首  
長作塞上翁三春已暮不見青草色惟見寒山獵火  
紅遙憶故園洛陽裏百花應滿舊時叢

西水羅日出歌

在府東六十里山麓斗入海中幾三十里築  
城置萬戶山張兩翼中成湖水藏船右翼曰  
海望臺觀日出其端立石森如植箭名曰矢  
巖左翼曰烏曷巖屹立水中其外卽豆滿江

與瑟海相連春夏時長鯨成隊噴浪如雨其  
南有卵島海鳥來巢卵大如拳或青或黃斑  
爛有紋其殼可盃赤島在其西卽翼祖避  
寇之地土石皆赤產紫芝草

白頭走飲西水羅箕尾下掉瑟海波扶桑一枝向北  
揚橫插坤紐露杈枒蒼鰲脰斷立不牢斲琢縫罅勞  
風媧金輪冉冉上黃道巨浪澎渤翻雲車羲和鞭短  
不及擎兩翻夾飛三足鷗百靈蜿蜿爭攀擁赤螭玄  
龜紅蝦蟆排空一蹕九萬里餘暉散作千片霞夷羿  
目眩虛拋弓夸夫喉渴空吸河周天三百六十有五

度一日一遍旋如磨人言日轂大於地四圍胡不包  
地過人言日光無明晦每夜何物中掩遮一到中天  
八表明燭火收光奔妖魔東方聖人並日出青丘  
萬物生光華烈風不作鯨鯢伏北拓靺鞨南服倭紅  
旗浦登登磯藏形屏息同縮蝸蓬萊素女十洲仙手  
折瓊樹獻琪花黃鵠之卵大如瓠紫芝之莖抽如麻  
麻姑爪長水清淺烏曷一柱高嵯峩

夏雪歌

孟夏之月月初缺豆滿江上天雨雪雪花漫空大如  
毳坑谷盡平江岸沒陰山草木忽化白飛鳥凍墮蛇

入穴老夫背上襲厚纊煖室猶怕寒颭骨是月於卦  
爲純乾朱明火德方按節如何滕六反用事恠底氣  
候太乖刺正月繁霜昔有詩人歎况復積雪風栗烈  
百卉具腓猶尚可其奈兩麥方稚將盡殺土人來告  
官莫憂此地風氣本殊別白頭山色四時白居民六  
月猶裘褐北人織布南人服當暑罕有衣輕葛此時  
下雪往往有五穀不害秋有實今年春盡尙無雨四  
野槁剛犁不墾是雪亦能潤土脉功比甘露三之一  
耳牟着根麥抽芽低可播稷高耕秫百果不成何足  
患地無桃李梅杏柿棗栗聞此聊以寬民憂不覺茫

然而自失天地至大造化奇千變萬殊難究詰夏蟲  
不可語冰蜀犬或有吠日裸壤之民不知寒火山之  
鼠不識熱物理顛詭無不有曲見徧聞那能悉嗚呼  
曆象授時久不驗羲和已遠吾誰質

塞上吟

朝飲豆江水暮食赤池魚水從白頭山頂來魚是渤  
海波臣餘晝彈匣中劔夜讀刀上書劔有跨海斬鯨  
氣書窺先天未晝初腰縮虎符食廩米簾閣沉沉是  
官居閉印廢衙一事無癡坐不動如籬籬出關頗似  
班定遠行吟初非屈三閭已見塞月幾圓缺長對隴



耳溪集 卷五  
雲自卷舒文章變態神應助奇氣昂藏老不除白首  
飄零不知愁何賴腹中藏五車長歌短詠謾自勞落  
拓嶽崎竟誰如得非潮州刺史乎無乃永州司馬歟  
爾衣何華聲何清宛如雲錦之裳佩瓊琚古人已遠  
不可攀今人應笑我狂疎身之不謀反好古嗚呼爾  
真狂也且君不聞天爲宇兮地爲席海內孰非吾之  
廬又不見鳥鳴春兮蟲吟秋天機何獨不在予

塞翁歌

昔有北塞翁失馬乃全身今有北塞翁負罪還媒恩  
得失由來無異塗古今却有不同倫天地無心以生  
物爲德鼓舞萬類何其神流謙變盈各隨形春雨秋  
霜莫非仁賤臣罪與終南齊 聖主明如出日新罪  
之不問才薄試曰汝往哉鎮邊垣車遙遙印纍纍急  
雪飛沙穿鬼門北爲鱗介長前與虎狼隣地是不毛  
衣則皮民如鹿食猩猩言宣揚德意不遑處俗陋政  
拙苦難馴官厨無肉飯如沙朔風透骨肌生鱗知我  
者憫我不知我者猶我嗔憫我者與嗔我者其於不  
知理則均蔗甘橘酸皆有性蛇蟄蛙跳詎由人君不  
見大易損益卦又不聞莊叟齊物論榮兮不必喜困  
兮不足嘖况復造物勞我形我則一視全吾真却笑

古之塞翁未見道猶將得喪較紛紜但恐 主恩未  
報耄將及一身夷險安足云嗚呼燕子銜泥何由侈  
廣廈鮫人滴淚何以補滄津

端午篇

昔年端午厠近侍龍池授簡獻帖子長句短聯寓祝  
規金榜畫楣迎和氣綵勝艾人白貼扇紫衣雙擎來  
宣賜年年應製幾霑恩至今天香留斝筍鼎湖飛龍  
忽九霄子車鍼虎遲一死今年端午滯北塞君門遠  
隔三千里眼中長對鞢鞞山耳邊惟聞豆江水半夏  
已生鹿角解飛雪騰空鴈不至天中佳節徂天涯日

邊消息有誰寄延和門外待漏時往事依依發宵寐  
紅藥欄頭誰載筆花甌影裏宛曳履魂夢一劫倍愴  
恨河漢三更起徙倚孰謂白日遠朝朝出旭當簾几  
孰謂北斗高夜夜垂光如尺咫惟是西方美人望不  
見玉樓迢遞何處是一別經歲又經春東流不盡相  
思淚

胡山青

胡山青胡月明山青惟有愁雲積月明時聞悲笳聲  
江邊走馬射鵬兒飛鏑常與朔風鳴飛鏑鳴獵火起  
鹿豕奔跳虎豹驚天生驕子大荒北族出皆冒三韓

名乾隆玉山集有云粟末地方黑水部粟末黑水皆靺鞨種名

種落非一熟與生昔聞盈歌烏雅束盈歌烏雅束即金人之祖稽

首執壤王氏庭近世忽刺兀良哈忽刺溫兀良哈皆女真之名處

我藩疆投欵誠石林千里大東珠石林者白頭山外有德林石大幾百里每夏時羣鳥解羽避暑於石上天問曰焉有石林何獸能言者蓋指此也東珠者東北海邊大澤產明珠甲於天下故金人有言曰白頭山下石有德林寶有東珠人有我太祖皆地靈所鍾云元氣白

山儲精英驅生狼兮狼生羆其衆滿萬即橫行宋人言女真滿萬橫行天下

殿高九級陞山海關臨億丈城雄據百年終逾旅回

戀舊穴勞經營金帛米鹽日夜輸橐駝牛車連典京

建州君不見鵲之巢鳩之居又不聞胠篋惟恐不固

局爲我語江邊兒莫射鵬安知無挾彈者隨捕蜻蜒

海棠花歌

自西水羅至豆江邊沙磧皆生海棠每五月

開花爛如錦帳花瓣比牧丹小而真紅五出

香氣郁烈蓋與南土所產絕異矣

北方春盡不見花海棠初開江上之白沙老夫病起

強出門小輿逶迤踏晴莎初如地上鋪紅錦更似水

面凝彩霞綠葉剡枝紛婀娜絳唇金鬚坼天葩香何

酷烈肺自清色何炫爛顏欲酡楊妃睡罷態正濃鉛

耳溪集 卷五 詩

三

朱黛綠半欹斜姚黃是弟魏紫兄肯數薔薇與山茶  
不意絕海窮磧產奇卉無乃扶桑析木留精華手折  
一枝欲插冠却媿繁紅笑我兩鬢皤花兮莫笑我鬢  
皤少年意氣未消磨尙堪馳馬絕大漠時復痛飲作  
長歌爾何不向清洛之陽曲江頭烟月春風共婆娑  
同我流落天一涯苟不與天桃穠李爭妍而競媚花  
兮花兮奈爾何

思美人曲

思美人在長安春風桃李滿城香金樽寶瑟清且閒  
去歲別君兮白玉樓前文石欄今年憶君處青海之

頭黑水灣候鴈不過嶺白雲空在山四月飛雪不見  
花朔風如箭瘦骨酸憶君夜夜魂飛揚夜短難度鬼  
門關昔我來時木葉黃謂言花發與春還流光冉冉  
不相待三春已徂夏將闌腰帶日減圍鬢毛日生斑  
腰減尙可待加餐鬢斑那得更朱顏我心如石不可  
轉君門如天不可攀山多猛獸兮川無梁欲往從之  
無羽翰一月三十日一日十二時思君如連環千回  
萬周苦無端

盛京歌送徐端揆

命善

赴瀋陽

瀋陽城號盛京伊昔建州雄朔方蠶食遼左恣吞并

黑水諸部盡僕妾完顏舊疆大門庭壯哉袁巡撫尺  
劍仗皇靈烏帥頭先斫滿兒膽已青城頭一聲震天  
雷百萬紅旗驚血腥廉頗被讒大事去中行投欸奇  
計成深河水赤壯士死山海門開叛將迎紫泉一決  
赤縣沉奔流萬里同建瓴神龍失所漁人得日月無  
光天柱傾今之天子計慮長專意本根牢鏞扃北自  
烏喇東寧古十里百里連障亭強弩利戟列杈枒積  
鹽堆金高崢嶸四十年間三巡幸縱金疊鼓震東瀛  
弱國由來謹侯度境上玉帛與犧牲俞公趙公昔銜  
命禮貌頗異尚知名方當 聖明新御宇使乎必屬

邦之英公在朝廷佩重輕且爲王事煩一行隻手曾  
扶大廈傾片言應看殊俗驚我今遠滯瑟海濱身無  
羽翮攀行旌此去遼瀋五千里默數星槎去時程開  
原縣是古扶餘辰韓地爲今蓋平公然割與久不歸  
魯人之田齊人耕今人眼慣視故常有誰大膽執券  
爭君不聞先春嶺外定界碑獵火燒斷野草縈白首  
腐儒空感慨向風長歌寄遠情歌一聲聲悲壯豆滿  
江水繞階鳴

幹東歌

番音稱梧東在府東三十里 穆祖自全州

耳溪集 卷五  
初移三陟踰嶺至德源復移居于此今係江  
外地後避狄入赤島

登南峰望幹東幹東地是 聖人墟時有光氣騰彩  
虹粵昔 穆祖避仇自全州踰關越嶺來此中 聖  
聖相繼威德盛諸部千戶皆率從奚關城下夜藏甲  
野嫗奉椀天誘衷白馬飛渡赤島水蒼龍護送馮夷  
宮真珠淵上草似錦黑角峰頭月如弓遊山百丈獻  
靈奇羽蓋金支飄半空嗚呼萬世肇基地不待百年  
今爲戎烏喇摠管定界時奈何蹙我千里封黃沙漠  
漠連渤海虎豹跳梁白葦叢長嘯一聲騁遠眺青烟

數點何處烽八池蓮花空灼爍 二陵樹色猶丰茸  
安得壯士抉雲之飛劔割取白頭之北右黑龍左混  
同還我興王故疆並岐豐

戍卒怨

邊城百事非樂土孰如江邊把守苦每歲九月冰已  
合裹糧列寒江之滸刈薪汲水手自炊糜粥那能充  
腸肚晝夜瞭望不得休敢避虐雪與冷雨衣風撲  
凍欲裂足皸口箝向誰訴獵騎飛來如飄風登時火  
急報官府巡點將校不時來跬步暫離逢曠怒隔水  
往往猛虎蹲電視雷吼吁可怖日日苦待冰解時三

春已暮寒猶沍莫云五日許踐更一番經過病已痼  
嗚呼安得拓地盡瑟瑟海豆江一帶罷防戍

黃山遊歌

豆江外十餘里地有山尖圓立野中色常黃  
故土人謂之黃山其下有三大池產真珠卽  
八池之三也其北野曰金塘峰曰黑角是  
穆祖舊基也每冬春間清明時黃山忽騰湧  
上浮半空峰巒樹木宛成樓臺人物旗幟車  
馬之狀奇形恠態變幻千百良久乃滅俗稱  
山遊蓋蜃樓之類而尤爲奇狀或是明珠氣

所化歟世傳王跡所起靈氣融結之致云按  
中國山東省萊濰縣有孤山上有夷齊廟春  
夏之交西南風微起則孤山移影從城上望  
之凡山巒林木神祠人物無不聚現踰數時  
漸遠漸無所覩謂之山市蓋此類也

黃山遊千峰裊裊碧空浮碧空浮瑟瑟海爲尾兮豆江  
頭軒然若大鵬垂翼而扶搖蜿然若蒼龍乘雲而摻  
流峨峨兮千官環立奉圭璋騰騰兮萬兵森列橫戈  
矛粲如羣星驂鸞擁芝蓋儼如上帝臨朝垂玉旒霓  
裳寶髻三千女璇檻瑤窓十二樓紛合杳兮隱復見

或連蜷兮去還留  
黃山遊不是玄圃是瀛洲  
羽衣飄颻何處來  
無乃王喬與浮丘  
又如長鯨噴白雪  
洪濤出沒蕩輕舟  
忽然芳草滿平蕪  
髯走馬而擊毬  
翁歛變化形莫狀  
奇詭章皇畫難侔  
俄日昇兮風捲倏  
霧罷而烟收  
黃山遊下有八池  
綠如油  
五色芙蓉鋪錦繡  
萬顆明珠綴琳球  
金塘之野聖人居  
天造地設開奧區  
靈氣薰蒸啓三韓  
聲明物采暎千秋  
至今撫夷江上望  
異事流傳入村謳

七月霜

七月二十七日夜邑人奔告嚴霜下老夫驚起推窓

視皜如薄雪滿屋瓦  
草木盡變色况彼田中稼  
黍稷纔垂穎荏菽未成顆  
忽如沸湯經浸淹宛似萬馬來  
躡藉東阡南陌百成羣  
標擗叫號聲震野今年積雨病  
兩麥官糴不充猶乞假  
水沉根消畦中菜虫咬蒂落籬  
上菰屈指張口待秋成  
秋之無成其將奈北關十州大抵同  
又聞山郡雪已墮扶携老稚欲就食  
安往不作溝中餓况復此土三面隣  
鞮鞞有無何處通食貨登山拾橡入水  
採菱萬指爭攫不盈把丙歲飢腸尚未潤  
天平何忍薦降禍北地雖早寒前月是盛  
夏此時繁霜古未有  
儻慌怵惕心欲破  
牧實非良民



耳溪集 卷五  
何辜使民轉壑何以主民社嗟我羣生慎勿怕 聖  
主愛民同赤子救汝當如拯水火三南之米嶺東粟  
滄海浮來萬斛舸口食有餘農糧足左殮右粥無不  
可嗟我羣生慎勿怕保爾婦子安田舍

赤島歌

在府南四十里蘆口山倉南水路可十里周  
回七八里石色皆赤狀如伏龜中有 翼祖  
陶穴遺址  
一片孤島三韓東瑩如紫玉滑如銅山根深插渤海  
青石面光耀出日紅白馬 神人飛渡來巨浪中坼

徒涉通追騎千羣盡却立頃刻歛看怒濤洪滹沱水  
合神應護檀溪馬躍事頗同避狄率水來胥宇又似  
周先君太公山有芝兮燁燁石出泉兮溶溶天作靈  
區待 聖人經營施設一何工陶穴舊基尙宛然至  
今元氣浮冲融遺民不敢犯樵蘇白日往往起雷風  
清秋小棹訪靈跡一聲長笛倚穹窿噫丹丘赤城無  
乃是恍惚羽蓋遊此中

皇帝塚詞 在行營西二  
十里會寧地

鍾山西北小丘隴云是大宋皇帝塚皇帝胡爲葬此  
中松栢衣冠誰人奉伊昔宣和天地作戲局化翁聊

耳溪集 卷五  
爾一簸弄天子多藝一不能天下無事才不用雷公  
漫擊奸黨碑纖兒不識鼎器重汴水清波楊柳堤舟  
車絡繹花石貢完顏驕子鐵劔利北人生心南人恐  
腥塵一夕漲四郊赤縣山河迷瀕洞子子雙蓋北出  
漠萬姓攀轅哭相送此行一去何日歸燕山薊水過  
如夢長江水斷龍失淵紇干山高鳥鎖籠隻影相對  
作孤囚何賴中原億萬衆上皇之子今皇弟匹馬渡  
江臣民擁江南諸將爭唾手河北遺民皆跣踵北轍  
不南人不人指日區宇還一統街兒競唱五馬謠詞  
臣佇獻中興頌奈何秦頭壓日日無光和戰二字成

聚訟李綱旣斥岳飛戮天下男兒無餘勇嗟爾南朝  
君與臣忍忘夫差臥薪痛北地苦寒風裂肌南朝細  
氈溫且氈北地不毛飲羊酪南朝法醞清如涌吳紈  
越紵滿六宮五國布衫胡女縫西湖錦纜歌管沸五  
國羣臣目皆腫三朝寢饋屬何人四時進獻與誰共  
回首故國隔萬里樹何蒙茸兮山何籠嵒春來不見  
南鴈至日暮但聞悲笳動二使空到高麗返窮磧日  
月何倥傯可憐堂堂萬乘骨擲在黃沙黑水草葦葦  
墳前麥飯有誰灑隧中尺帛有誰贈從臣爲虫兮侍  
女化花蓬科散落如盆甕子規啼血山鬼號樵兒放

耳溪集 卷五  
火野鼠拱耕夫每得元豐錢村塢或傳牧丹種千載  
過客尙攬涕况復當時忠臣義士慟嗚呼自古有國  
誰不亡亡國之禍孰如宋莫云天實爲之不由人向  
非章蔡諸人誰作俑噫嘻等是亡耳國君當死社獨  
不愧 崇禎天子風聲萬世聳

二月聞解官報 己亥

罪與終南大身投有北宜孤臣今不死三載敢言遲  
玉塞生還日金鷄放赦時寸丹猶未改莫問鬢添絲  
過鬼門關

萬死歸來北塞翁蕭然白髮伴春風不見去時千丈

雪百花爭映海山紅

夜宿朝日軒 城津客舍

海上孤峰一髮橫臺隍包絡水軍營滄波萬里樓迎  
日元氣千年石護城舟楫影交簾外過魚龍聲入枕  
邊鳴溟翁八詠何人續長嘯憑欄起遠情

磨天嶺

卓立雄蟠誰與徒翛然雲外一長吁山當北斗爭高  
下水並青天混有無開鑿千年勞鬼斧扶搖六月化  
鵬圖登臨便覺蓬萊近來日關河又載驅

磨雲嶺

三載邊門戍客迴摩雲絕頂且啣盃句麗地薄滄溟  
盡鞞鞞風從大漠來太白不如長白險一夫應敵萬  
夫開青春短髮添高興斜日還登學士臺

咸關嶺

去歲雪中出北關今年花發始南還列州二十皆濱  
海官路三千半鑿山危棧踏來仍急水摩雲過了又  
凋顏卽今周道平如砥行旅休歌蜀道難

樂民樓

高樓百尺壓江湄遠客登臨有所思天地北南開戶  
牖山河表裏大城池英雄過去風流盡行路間關歲

月遲一曲離歌相送罷汀花如繡柳如絲

鐵嶺

北去南來歲月移層巒絕壑轉逶迤人間始見羊腸  
險劔外誰言鳥道危聲教卽今連朔漠山河無復限  
華夷回看瑟海三千里飛度重關是不期

踰鐵嶺向淮陽

南北橫蟠大嶺長歸人到此似還鄉前去漢城無幾  
日直隨流水下淮陽

到耳溪

一別溪庄再閱冬天涯流落似飄蓬身居紫塞三千

里夢繞華山第一峰同我歸來惟白髮好顏相對有  
青松澗聲鳥語爭盈耳無復階邊瑟海春

四郡錄

自忠州入峽

八月秋濤壯滄江動地來漲沙埋斷壁危棧掛層臺  
峽氣晴猶暗灘聲往復回丹丘從此路行邁興悠哉

龜潭

丹陽峽口大江橫急水奔騰萬壑鳴碾地風湍日蕩  
漾撐天石骨秋崢嶸輕舟上下千峰聳紅葉高低兩  
岸明灩澦瞿塘應伯仲耳邊彷彿聞猿聲

向長湖

長湖秋色渺無垠靈氣東南遠勢分地坼龍門排積  
水天開巫峽逗行雲層層錦石迎船出淅淅風松隔  
岸聞漁唱一聲柔櫓外滿汀鷗鷺白紛紛

舍人巖 二首

何年禹舍人 禹舍人名倬前朝人嘗遊于此巖故名云棲息此溪濱几案  
峰千仞琴樽花幾春水流山自在人去鶴無隣半日  
徘徊處猶疑曳杖辰

惟底風媧斧斲成雲母屏石紋生錦繡水面倒丹青  
拔地看千佛開山想五丁仙區無管領臨水有虛亭

雲巖

伊昔西崖老臯比易小丘烟霞千丈壁松桂數間樓  
白簡山應笑高風水自流名區終不有留與後人遊

守一庵

庵前有石峯  
名曰鶴歸柱

峇嶢蘭若近三清萬木蕭疎一磬鳴石上題詩紅葉  
早樓前把酒白雲生鶴飛不去憐山色僧老無眠臥  
水聲騎馬出門還悵望仙巖半壁夕陽明

出洞

行行意不盡曲曲坐無歸恠石多人立閒雲並鳥飛  
仙香應滿髓山翠自生衣偶值溪翁語黃精秋正肥

自上津挈舟泛島潭

丹峽霜清八月秋老夫來同太守遊鳳樓亭下初騎  
馬鶻巢臺前更挈舟清江雨過微波動翠壁楓酣積  
嵐收行到十里隨岸轉忽見三山湧水浮尖峰崒峴  
如削成奇石谿訝巧雕鏤曾聞東海之外有神山莫  
是方丈瀛洲與蓬丘輕棹滂洄往復旋盤渦屈折去  
還留漁人擊汰搖紅葉姹女清歌起白鷗斷壁空洞  
隱大舟迴瀾噴薄魚龍愁穹然石門掛半空宛如虹  
橋架玉樓牽蘿躡磴上雲梯若倚閭闔攀斗牛仙人  
石田長玉禾層層繡塍水盈疇飛湍盪日翻素練虛

耳溪集 卷五  
龕生風振鳴球江天欲暮酒氣醺笳鼓喧轟殷中流  
白髮倦遊稍愜意閒雲逝水共悠悠千載二郎呼不  
得夕陽橫笛下長洲

出峽

匹馬窮三峽清遊滿二旬江山壯無敵巖壑窅如神  
白髮身猶健青霞氣更新囊詩同畫筆應貌七分真





